

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

ODLUKA

**O PRIHVATANJU ZADUŽENJA FEDERACIJE BOSNE I HERCEGOVINE
PO PROŠIRENOM ARANŽMANU (EFF) SA MEĐUNARODNIM
MONETARNIM FONDOM**

Sarajevo, septembar 2016. godine

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine na sjednici Predstavničkog doma održanoj _____ godine i na sjednici Doma naroda Parlamenta Federacije Bosne i Hercegovine održanoj _____ godine d o n o s i

ODLUKU

O PRIHVATANJU ZADUŽENJA FEDERACIJE BOSNE I HERCEGOVINE PO PROŠIRENOM ARANŽMANU (EFF) SA MEĐUNARODNIM MONETARNIM FONDOM

I.

Prihvata se zaduženje Federacije Bosne i Hercegovine (u daljem tekstu: Federacija) po Proširenom aranžmanu (u daljem tekstu: EFF) sa Međunarodnim monetarnim fondom (u daljem tekstu: MMF) u iznosu do 295.361.333,00 SDR (cca. 720.224.000,00 KM), što iznosi 2/3 od ukupno odobrenih sredstava za Bosnu i Hercegovinu u iznosu od 443.042.000,00 SDR (cca. 1.080.336.000,00 KM).

II.

Sredstva kredita koristit će se za pomoć u provedbi ekonomskih politika koje imaju tri glavna cilja: intenziviranje reformi s ciljem unapređenja poslovnog okruženja kako bi se privukle investicije, otvorilo više radnih mjesta u privatnom sektoru, te povećao potencijal za rast ekonomije; nastavak procesa fiskalne konsolidacije kako bi se osiguralo kontinuirano smanjenje javnog duga u odnosu na BDP, uz istovremeno smanjenje veličine vlade i unapređenje kvaliteta vladine potrošnje; i očuvanje stabilnosti finansijskog sektora i oživljavanje kreditne aktivnosti banaka.

III.

Kreditna sredstva iz tačke I. ove Odluke odobravaju se pod slijedećim uslovima:

- rok otplate: 10 godina (uključen grace period)
- grace period: 4,5 godine, počev od dana doznačavanja svake tranše
- svaka tranša se otplaćuje u 12 jednakih polugodišnjih rata nakon isteka grace perioda
- kamatna stopa: promjenjiva, koju određuje MMF za SDR (trenutno 1,05% godišnje);

IV.

Sredstva kredita će se doznačiti Budžetu Federacije u periodu od tri godine u tranšama. Svaka tranša biti će utvrđena i doznačena nakon ocjene MMF-a o uspješnosti provođenja programa, putem kvartalnih pregleda kvantitativnih kriterija izvršenja i strukturnih reformi.

V.

Za realizaciju ove Odluke zadužuje se Federalno ministarstvo finansija - Federalno ministarstvo financija.

VI.

Ova odluka stupa na snagu narednog dana od dana objavljivanja u „Službenim novinama Federacije BiH“.

OBRAZLOŽENJE

Pravni osnov

Pravni osnov za donošenje ove odluke sadržana je u članu 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), koji uređuje proceduru stvaranja vanjskog zaduženja Federacije Bosne i Hercegovine.

Razlozi za donošenje

U cilju poticanja održivog, efikasnog i kontinuiranog ekonomskog rasta, otvaranja radnih mjesta, povećanja i bolje usmjeravanje socijalne pomoći, stvaranje povoljnog ekonomskog okruženja Vlada Federacije Bosne i Hercegovine je zajedno sa predstavnicima Bosne i Hercegovine i Vlade Republike Srpske, pristupila pregovorima sa Međunarodnim Monetarnim fondom (MMF), u cilju odobravanja Proširenog aranžmana za Bosnu i Hercegovinu koji će pomoći u provedbi ekonomskih politika i reformi, kao i u ispunjavanju finansijskih potreba koje se predviđaju u narednim godinama. Pregovori su dali pozitivne rezultate i MMF je izrazio spremnost da Bosni i Hercegovini odobri iznos do 443.042.000,00 SDR (specijalnih prava vučenja) (cca. 1.080.336,00 KM), od čega se na Federaciju BiH odnosi 295.361.333,00 SDR (cca. 720.224.000,00 KM), što iznosi 2/3 od ukupno odobrenih sredstava.

Obrazloženje pojedinih tačaka

Tačkom I. – prihvata se dodatno zaduženje Federacije po osnovu Proširenog aranžmana sa Međunarodnim monetarnim fondom.

Tačkom II. – utvrđuje se namjena utroška dodatnih kreditnih sredstava, odnosno svrha zaduženja.

Tačkom III. – utvrđuju se finansijski uslovi pod kojima se odobravaju dodatna kreditna sredstva od MMF-a.

Tačkom IV. – utvrđuje se način na koji će se dodatna sredstva doznačiti budžetu Federacije.

Tačkom V. – se za realizaciju ove Odluke zadužuje Federalno ministarstvo finansija.

Tačkom VI. – propisuje se stupanje na snagu ove odluke.